

آبونه شرائطی : هر رايچون
 سنه لکي (٤٠٠) التي ايلني
 (٢٢٥) ممالك اجنيه ايچون
 سنه لکي (٤٥٠) ، آلي ايلني
 (٢٥٠) غروشدرد .

نسخه سي ٧,٥ غروشدرد .
 سنه لکي ٥٢ عددرد .

اداره خانه : باب عالي جاده سنده
 رشيد افندي خاتنه

اخطارات
 آبونه بدلي بشيندر .

مسلكه موافق آثار مع المنونيه
 قبول اولتور . درج ايدلن
 يازيلر احاده اولتماز .

والله يهدي من يشاء الى صراط مستقيم

الرشيد

١٣٣٠

صاحب و مدير
 اشرف اديب

باش محرر
 محمد حاكف

آدره سي تبليغه ايريه
 غروش كوندردليدر .

مكتوبلرك امضاري واضح
 و اوقوناقلي اولسي و آبونه
 صره نومروسي محتوي
 بولونسي لازمدر

ممالك اجنيه ايچون آبونه
 اولانلرك آدرس لرليك
 فرانسه جة يازلسي رجا اولتور .

بارد كوندردليني زمان نه
 دائر اولديني بيلديرلي
 رجا اولتور

اتبعون اهدكم سبيل الرشاد

بروظیفه اولدیغی، چالیشانلر حقنده شفقت ابرازی توویه بویورمشلر، تجارت وزراعته تشویق ایتمشلردر. بالنتیجه مسلمانلر آره سنده تاجرلر، ایشجیلر، بوتون صنعتکارلر حرمت کورمشلر، وایلر، قوماندانلر عالمر مسلمانلرینک اسمیلر یاد اولونمقدن چکیمه مشلردر. اسلام دولتی ایچینه کروانلرک، مصونیت تامه دائره سنده حرکتلری، یوللرک امنیتی، هر طرفده انشا اولونان قویولر، صو یوللری و صو غزنلری، خانلر و مسافر خانلر، بونلرک هپسی تجارتک، صنایعک، استحصالاتک ایلرله مسنه خدمت ایدیوردی.

مسلمانلر کیردکاری مملکتلری قانالاردن متشکل بر آغ حاله کتیرمشلردر. مسلمانلر، اسپانیانک ارواسنی هر واسطه ایله تأمین ایتدیلر. اسپانیانک پک بیوک ساحه لری اولجه غیر قابل زرع ایکن مسلمانلر بو ساحه لری زیتون آغاجلریله طولدیرمشلر، یالکیز (ویل) شهرینک اطرافنده، حاکیت اسلامیه دورنده بیکلرجه یاغ فابریقه سی تأسیس اولونمشدی. شکر، برنج، پاموق کبی اسپانیانک ثابت محصولات ایله بوتون باغچه لری، بستانلری، زنجیل، زعفران و سائر نباتاتی اورایه کوندردن مسلمانلردر. اسپانیانک باقیر، کورکورت، جیوه، ده میر معدنلری مسلمانلر ایشله تمشلردر. ایپک، کاغد و سائر منسوجات فابریقه لری، ده میر، چلیک، دری اعمالا تخانه لری اسپانیاده مسلمانلر تأسیس ایتمشلردر. قرطبه مک پرده لری، دیوار خالیلری، مرسیه نک یوکلیرلی، (غرناطه) نک، (الریا) نک، (سه ویل) نک ایپک لری، (توله دو) نک التونی و چلیکی، (سالبه) نک کاغدی بوتون دنیاده آرانیردی. مالاقه، قارتاجنا، بارسیلونا، قادیز لیمانلری ادخالات و اخراجات ایچون فوق العاده مهم برر مرکزدی. اندلس مسلمانلرینک بیک کیدن داها فضله یه بالغ اولان بر تجارت بحریه فیلولری واردی. بومسلمانلرک طونه بوینده فابریقه لری و نمثلری بولونوردی. بیزانس ایله مهم تجارتلری واردی. قره دکزدن، بحر سفیدک مترقی ساحلرندن آسیانک اورته لرینه، اورادن هند و چین، (مدغسقر) قدر افریقا ساحلرندن افریقانک اسلام امتعه سی کیدردی.

اونونجی عصرک، اروپا بو کونکی (قافارایا) نک حالته ایکن (ابوالقاسم) ایبلر (تجارتک اساسلری) نه دائر اثرلر یازارلردی.

حرکت تجاریه یی یوکسکله «هوسنی تقویه ایتک ایچون حکومتک مساعده سیله جغرافی» ایبلر، هریره دائر معلومات لازمه بو اثرلردن استفاده اولونوردی. (ابن بطوطه) کبی سیاحلر کوردکلری مملکتلری تصویر ایدن اثرلر نشر ایدر، بو مملکتلرک نباتات، حیوانات، ازهار و معادنته دائر معلومات ویردکن باشقه احوال اقلیمیه و طبیعه سندن دقتله بحث ایدرلردی.

علم وفنون محبق یالکیز برجنسه منحصر دکلدی. قادینلرک تعلیم و تربیه سی ارککلرک تعلیم و تربیه سیله موازی خطرلر اوزره ایدی. قادینلرده ارککلرک علمه حصر حیات ایدرلردی. اونلرکده کندیلرینه مخصوص مدرسه لری واردی. [۱] قادینلر طب، فقه تحصیل ایدرلر، ادبیات و اخلاقه دائر قونفرانسلر ویرلر و معظم مدینتک شان و شرفه اشتراک ایدرلردی. اکابر ایله حکمدارلرک زوجلری و قیزلری پاره لری مدرسه لر کشادینه، مدرسه لرا حیا سینه، خسته خانه لر انشاسینه، یتیملر، دوللر و کیمسه سزلره مخصوص التجا کاهلر تأسیسینه صرف ایدرلردی. [۲]

ناقلی
عمر رضا

ضمیمت راضولک الک قریوسی

قدیم و تاریخی بر دوست، م واردی. کندیس دی دوریش ایدی. شیخی معهود اجتهادجی ایدی. تکیه سی «اجتهاد اوی» نام اداره خانه ایدی. طریقته لری نک اسمی «طریقت اضالیه» ایدی. کاه بازار کونلری، کاه صالی کونلری دیگر مریدانه برابر، اوراده طوبیانه رق ذکر شیطانی و فکر نفسانی ایله مشغول اولورلردی. معهود اجتهادجی طرفندن مراتب ضلالتی الک چوق قطع ایدنلر «اجازت» ویریلردی. او مرتبه یه ایرنلر خاقی اضلال وظیفه سی تحمیل اولونوردی. نیم دوستم او تکیه نک الک اولغون و الک طولغون بر مریدی ایدی. آنک ایچون معهود اجتهادجینک پک کوزده سی ایدی. کندیسنه امر حق واقع اولونجه بوست نشینلک وظیفه سی اوکا توجیه اولونه جق ایدی. ایلک دفعه اوئی اضلال میداننه صالیویردی. وظیفه اضالیه سنده موقیته افسون او قویه رق، عمرینک افزون اولماسی اضالیه طریقته نک پیری بولنان مخلوق معروفدن دیله یه رک، ایکی آلریله صیرتی صیغایه رق، «هایدی ارسلانم سنی کوریم» دیه رک قلم اغوایی آینه ویردی.

عقیده سزلکی نشر و تعمیم ایله موظف طوتیلان بواولغون و طولغون میسیونر درحال قلمه صایلدی. معهود مجموعه ده عقائد اسلامیه یه اعلان حرب ایتدی. کور و باصلی قیلنجیله بو حربنده غالب کله جکی

[۱] بومؤسسسه لک الک مهملرندن بریسی (قاهره) ده ۶۸۴ سنه هجریه سنده سلطان ملک طاهرک کریمه سی طرفندن تأسیس اولونمشد.

[۲] هارون الرشیدک زوجیه سی زییده بوشکلده برچوق التجا کاهلر تأسیس ایتمشدر. عضدالدوله نک زوجیه سی طرفندن انشا اولونان خسته خانه یه رقابت ایدیوردی. «خاتون» اسمیلر معروف ملک اشرفک کریمه سی (شام) ده معظم برمدرسه کلیه یاپدرمشدر. (حصص) ده «ناصرالدوله» نک زوجیه سی طرفندن دیگر برمدرسه تأسیس اولونمشد. برچوق اسلام قادینلری شعرده تمایز ایتشلردر. پیغمبر منک کریمه سی حضرت فاطمه الزهرا شمرا آره سنده یوکسک بر مقامی حائزدر.

فرنگ ارککریلہ ازدواج ایتھلرینہ جواز ویرمہ چالیشیوردی .
حق کریمہ سنہ ، تحصیل کورمش بر فرنگ کنجی طالب اولدینی
تقدیرده ، اونی جاہل برتورک کنجہ ترجیح ایدہ جگنی سویلہ یوردی .
بوکا جواز ویرمین اسلامیتہ ، اسلام علماسنہ حدت و شدت
کوستریوردی . بو معاملہ نیک ملیتہ منافی اولہ جغنی بیلہ ادرا کدن
عاجزایدی . او ، یالکز ، برشی دوشونیوردی : اضلالہ تکیہ سنک
پوست نشینلککنہ استعداد واستحقاقی معہوداجتہادجی بہ قارشی اظہار
واثبات ایتک ! . آنک ایچون مہادیآ عقیدہ یہ ، ایمانہ ، اسلامہ هجوم
یدوب طورییوردی . بو حال حرب عمومی بدایتہ قادار دوام ایتدی .
صوکرہ ، بردن برہ سسی ، صداسی کسیددی . نہ اولدینی ، نہ یہ
کیتدیکی معلوم دکلدی . آره مزددہ کی قدیم آشنالغہ رغماً ، بر مکتوب
بیلہ کوندرمیوردی . بو وضعیت بنی ، حیانتدن شبہ یہ دوشورمشدی .
قلم حریلہ مشغول بولندینی ائنادہ ، طلبہ علومى عسکر قاجاقچیغیلہ
تزییف واتہام ایدیوردی . بوتزییف واتہاملرینہ باقاراق ، حیاتی
وطن اوغورندہ فدایہ ہرآن آمادہ بروطنپور اولدینہ حکم ایدیوردم .
غیوبتک حرب زمانہ مصادف بولماسی مطلقاً جہلرک برندہ فدای
جان ایتدیکنہ دائر ذہنمدہ برقاعت تولید ایلہدی . ہلہ عسکر قاجاغی
دیدیکی طلبہ علومک ، کرک حرب عمومی دہ ، کرک استقلال حربندہ
- ہم خواجہ لرلہ برابر - شہید اولمش بولماسی نظراعتبارہ آلاراق ،
اویلہ عسکر قاجاقلری شہید اولونجہ ، پک وطنپور ! برذات اولان
دوستک سالماً عودت ایدہ جگنہ احتمال ویرم یوردم . اونک دہ بوجہ
دوشونہ رک صاغ قالمای عار و حجاب تلقی ایدہ جگنہ حکم ویریوردم .
مکر ، شہیدلکی عسکر قاجاقلرینہ بیراقہ راق عزیز حیاتی ، لذت
جانی شہیدلکدن دہ ، وطنندن دہ ، وطنپورلکدن دہ قیمتلی طومش
اولمالی کہ بوکونلردہ صحت وعافیتدہ بردوام بولندینی اکلایشیلدی .
عقیدہ سزلکی امدادینہ یتیشہ رک اونی شہید اولمقدن قورتارمش ! .
قیلیچ حربندہ کیم بیلیر ہانکی فارہ دہ لیکنہ کیرہ رک یاقای قورتاران
دوستم ، او تہلکہ زائل اولونجہ ینہ میدانہ چیقمش ! . قیلنج حربندہ
کوسترمہ مدیکی بہادرلکی ، قہرمانلکی ، وطنپورلکی نام حربندہ کوسترمک
ایچون بر فخر نہ نشرینہ باشلامش ، فکرک حریتی کیم بیلیر ہانکی
کیمسہ نک استبدادندن قورتارمق اوزرہ ینہ قلمہ صاریلمش ، بر معتاد
ینہ صاغہ ، صولہ کفرلر یاغدیرمایہ باشلامش ، ینہ حضرت محمدی
دیلنہ دولامش ، تربیہ فکرہ سنک ، تربیہ دینیہ سنک ، تربیہ اجتماعیہ سنک ،
تربیہ انسانیہ سنک پک کنیش اولان مساعده سی درجہ سندہ اوکا هجوم
ایدیور ، ہمدہ حیات خصوصیہ سنہ ، عائلہ حیاتیہ ، زوجات طاہراتہ
هجوم ایدیور ! .

ہی خانہ خراب ، دست قدرت شیخک کبی سنک دہ می پردہ

توہمندہ بولندی . مہادیآ یازدی . لسان دشنام اوزاتمادینی ہیچ بر
فضیلت اسلامیہ بیراقادی . اعتقادات باطلہ یہ اعلان حرب ، عنوانیہ
بردم اثرنشرایتدی . الکشدید هجوملری حضرت محمدہ توجیہ ایدیوردی .
معجزاتیلہ اوغراشیوزدی . اولری علم وفن ایلہ بردرلوتالیف ایدہ میوردی .
علم وفن نامنہ بیسلیکی برشی دہ یوقدی . یالکز او کلمہ لری تلفظ
وتفویہ ایتہی اوکرہ نمشدی . ہدیالرینہ کیمسہ بی ایناندیرہ مدینہ جوق
متأسف ایدی . بو یوزدن فضلہ جہ عصیت کوستریوردی . یازیلرینی
اوقویانلر ، اوندہ بر غیرطبیعیلک کورییوردی . محتاج نداوی بولندینہ
قانع اولان دوقتورلردہ وار ایدی . کیریشدیکی دعوانک عظمت
قامرہ سی قارشوسندہ کی ہیچلککی آ کلامایہ راق اورتایہ آتیلمسہ نظرآ
دوقتورلرہ حق ویرمہ مکدہ قابل دکلدی . اون اوچ عصری متجاوز
برزماندن بری ، مختلف ملتہرہ منسوب غرضکارلرک ، عقیدہ سزلرک ،
مستشرقلرک ، فن و فلسفہ متخصصلرینک علہدارانہ یازیلرلہ ،
هجوملرلہ ، انتقادلرلہ علویت قدرینہ ہیچ خلل کلہین و بالعکس ،
دائماً یوکسہ لن حضرت محمدی سینک ویزیتسی کبی سس و صدالریلہ
کوچولتک امکائی بولمادینگی آ کلامامسی دوقتورلرک قناعتلریقی تأیید
ایدہ جک بر علامت باہرہ ایدی . ینہ اوقادار عصرلردن بری بشریتک
اک یوکسک طبقہ سندہ بولونان عقلانک ، فضلانک ، حکمانک تعظیملری ،
تبیحیللری قارشوسندہ ، یمین و یسارینی یکدیگرکدن تفریق ایدہ میہ جک
درجہ دہ بی ہرہ عرفان و اذعان اولان بر کیمسہ نک حضرت محمدہ
دیل اوزاتماسی قادار بر جنت می اولور ؟ اوچیوز میلوندن فضلہ
انسانلری کندیسہ امت یابان ، کوندن کونہ ، عصردن عصرہ تابعلری
آرتقمدہ بولونان حضرت محمد علیہندہ سوز سویلہ مک کبی کندینی
بیلہ منزلکمی اولور ؟ ایچلرندہ ، مملکتلرندہ بولندقلری مسلمانلری
رنجیدہ ایتہ مک ایچون ، یهودیلرک ، فرنگلرک ، مجوسیلرک بیلہ علیہندہ
سوز سویلہ مکدن اجتناب ایلہ دکلری حضرت محمدہ چاتمق درجہ سندہ
حیاسزلقمی اولور ؟ کندی تابعیلری تحتندہ کی مسلمان عنصرلرینی
کوچندیرمہ مک ایچون ، بایاغی ملتہرک حقارت ایتہ دیکی حضرت محمدہ
اجدادی مسلمان بر کیمسہ نک حقارتدہ بولماسی قادار بایاغیلقمی اولور ؟
عالم اسلامی دلکیر ایتہ مک ایچون ، عالم انسانیتک لسان تزییفہ آلمادینی
حضرت محمدی تذلیلہ چالیشمق درجہ سندہ آشاعیلقمی اولور ؟
انسانیتہ ، مدینتہ ایتدیکی خدمتلرندن دولای جہان انسانیت ومدینتک
تبیحیل ایتکدہ بولندینی حضرت محمدہ حرمت ایتہ مک کبی انسانیت
ومدینتدن خارج بر حرکت می اولور ؟

فقط ، ہم ، پوست نشینلک نامزد دوستم بویلہ شیلری دوشونمک
مزیت ابتدائیہ سندن بیلہ محروم ایدی . اسلامیہ ، انسانیتہ ، مدینتہ
حرمی اولمادینی کبی ، ملیتہ دہ مربوطی یوق ایدی . تورک قیزلرینک

حیاتی پیرندی؟ سنک دهمی سیا که حیامنزلق دامغانی اورولدی؟ سن، حیات خصوصیه محمدیه دیل اوزاته بیلیمک ایچون، بین البشر مشروع برعائله حیاتی بولندیغنی بیلیمه لیسک؛ عائله حیاتنک نه دیمک اولدیغنی آکلایه بیلیمه لیسک؛ حرام و حلاله، ثواب و کنهاسه معتقد بولمالیسک، فضیلتله رذیلتی بکدیکرندن تفریق ایدر برکیمسه اولمالیسک... سن، که حیاتده هر شیئی مباح کورور برکیمسه سک؛ سن، که مشروع تعدد زوجات یرینه غیرمشروع تعدد لک قائم اولماسنی ایسته یورسک؛ سن، که انسانیتک فضیلتدن عبارت اولدیغنی منکرسک؛ سن، که حریت فکریه نامنه دینسزلیکی، عقیده سزلیکی نشر ولعیه چالیشیورسک؛ سن، که حریت اجتماعیه نامنه بر قبطی حریتی ایسته یورسک... حضرت محمدک عائله حیاتیله نه علاقک اوله بیلیر؟ بیلورمیسک که دوشمش اولدیغک خسران چوقوروندن فضیلت قارشى صاووردیغک چامورلرینه باشک یاغمقده درالاه، سکا کورور برکوز، حس ایدر بروجدان ویرسه ده بولوندیغک خضیض خیتی کوزه بیلسه ک، تقدیر ایده بیلسه ک بدبخت حیاتک الی الابد آغلارسک. فقط الله، بشریت فضیلتک قیمتی آکلاتق ایچون سکا تمامیه اونک ضدی برمظهریت ویرمش. سن هجوم ایتدکجه او، یوکسله جکدر... ***

پیغمبر منک ازواج طاهرانی

علیه الصلاة والسلام اقدام منک ازدواج لرینی سر رشته اتخاذا ایدرک پیغمبر منک دیل اوزاتق، فرنک مؤرخلرینک، غرب میسیونرلرینک عادتیدر. بو آدم لک بر قسمی حقیقی بیلیمه دکارندن، بر قسمی ده بو حقیقی تقدیر ایده جک درجه ده ناموسکار اولما دقلرندن پیغمبر منی لوم ایدیورلر. بو متجاوزلر، ازجمله پیغمبر منک شریعتک مساعده ایتدیکی بر امتیازدن استفاده ایتدیکنی و بوضوورتله شان رسالتله غیرقابل تألیف بر سجه ضعیفی کوسستردیکنی سویلورلر. رسالتنه اقدام حقیقه بو متجاوزلرک ایلری سوردکلری اتهاماته قارشى اسلام علماسی جواب ویرمه مش دکدرلر. بو اسناداتک جوابی مکرراً ویرلش وهیسی ابطال ایدلمشدر. نه قدر شایان تأسفدر که سیرت نبویه پی اسلام دشمنلرینک تألیفانندن مطالعه ایدن بعض کیمسه لر اسلام علماسنک جواب لرینی ده تدقیق ایتیه اهل ایدیور، بوغرضکار مؤلف لک باطل اسناداتی محض حقیقت تلقی ایدیور، واصل آغلاچی نقطه، پیغمبر ذیشانمزه سوء ظن بسله یورلر. حتی بولردن بری صوک کونلرده «حریت فکریه» کی مبارک، مقاس بر اساسک جناحنه صغینه رق بوسوء ظنلری غرضه سنک ستونلرینه کحه مشدر. مسلمان مملکتنده یاشایان و مسلمان اسمنی طاشایان بو آدم بوخط

حرکتی اختیار ایتکله «سیرت نبویه» پی یالکنز غرب منابعدن تلقی و اسلام منابعی کلیاً اهل ایتدیکنی کوستره دک نقصان تدقیق تشهر ایدیور. بویه بر حرکت، غربی متجاوزلرک رسول اسلامه قارشى بایدقلمی مستکرمه پروپاگاندالری ترویج ماهیتده در. بر تورک منورینک بویه بر پروپاگاندایه آلت اولماسی البته طوغرو دکدر. بوکی موضوعلره مشغول اولان بر تورک منورینک تبعاتی کمال ایتیه بر فریضه علمیه و بروجیه دینه در. بونی اهل ایتک، بالخاصه بر تورک ایچون عفو اولونماز بر کنهادر. چونکه اورته یه آنیلان فکر لک بر طاقم معصوملری تسمیم ایتیه و بو صورتله ایشله نیلن کنهاتک دائره سرائتی توسیع ایتیه قویاً محتملدر. چوققنی ایده رز که بومستله دائره ویره جکمز ایضاحات بوغرضکارانه یازیلان یازیلری اوقویانلری ضلالتله دوشمکدن وقایه ایدر.

چونکه پیغمبر منک ازدواج لرینی، اسلامی، انسانی و بامطلق نقطه نظر دن ده تحلیل ایتسه ک بالنتیجه غرب میسیونرلرینک و غرب مؤرخلرینک بوتون اسناداتی ابطال ایده بیلیر.

پیغمبر منی کریمی بش یاشنده ایکن کندیسندن چوق یاشلی اولان حضرت خدیجه ایله ازدواج ایتدی. پیغمبر منک حضرت خدیجه ایله کچیردیکی یکریمی بش سنه لک حیات زوجیه، هیچ بر تشوشه اوغرامایان بر حیات صداقت و مسعودیتدر. بت پرستلک هر درلو اذا و جفا سنه هر درلو قضیقنه قاشی پیغمبر منک یکانه رفیق، یکانه معاون، حضرت خدیجه ایدی. حضرت خدیجه نک زمان ارتحالنده پیغمبر منی الی بر یاشنده ایدی. اسلام دشمنلری بیه شو نقطه پی تسلیم ایدیور که بوتون بو حیات زوجیت اناسنده پیغمبر منک سجه اخلاقیه سنی لکدار ایده جک برشی یوقدر. حضرت خدیجه نک حیاتنده پیغمبر منی باشقه بر قادیله تزوج ایتمه مشدر. بوتون شبایتی بو شکله کچیره، آرتیق سن شیخوخته واصل اولار، کیجه پی، کوندوزی نشر هدایته حصر ایدن، کفارک تجاوزلرینه مقابله یه مجبور اولان، قوای سفریه یه قوماندایدن، محاربه یه بالذات اشتراک ایدن، بالذات یارالان، بوندن باشقه امتنک بوتون مصالحی اداره، وظائف امامتی، ایتم وادامی، فقرا و محتاجینی حمایه و اعاشه یه قدر انسانی و اسلامی هر وظیفه پی بالذات ایفا ایدن، الحاصل حقیقی مناسیله کیجه کوندوز چالیشان و بوتون هدفی انسانلری ظلمتدن نوره چیقارمق، ضلالتدن قورتارمق، برلشدیرمک، حقیقی انسانلره یوکسلتمک اولان بر رسول کریمک بر طاقم شهوات نفسانیله ایله مشغول اولماسنه ناصل احمال ویرله بیلیر؟

پیغمبر منی حضرت خدیجه دن صوکره اوله نمدی دکل، اوله ندی. فقط بو ازدواج لک سائقلری یک یوکسکدر. هر بنده بر حکمت وارد. یاطول قادینلری حمایه ایتک، باخود متخاصم قبائلی باریشدیرمق و صلح مسالقی تأمین ایتک ایسته مش و موفق اولمشدر.